

Tamsirt tis 02 : Timetti taqbaylit

01 Tarakalt :

D yiwet ger temnaḍin n tefriqt n ugafa, tezga-d deg usamer n tmurt n lezzayer, yezzi-as-d deg ugafa yillel agrakal, ugten deg-s yidurar imi yef lebeid tettban abḥal d snesla ta turez ar ta, deg waya yenna-d fell-as Daumas « *tamurt n leqbayel d snesla n yidurar yellan ger Delles d Bgayet* ».

02 Aẓar n wawal « Kabyle » :

Aṭas n turdiwin yellan yef wawal-a ad nebder kan kra deg-sent :

Llan wid id yeqqaren :

- 01) Awal-a yekka-d seg wawal n taṛabt « Qabila » ney taqbilt.
- 02) Llan wid id yeqqaren isem-a d aṛaben id at-yefkan i yimezday n tefriqt ugafa s unamek « Qubul » imi qeblen ad keccmen di ddin n tneslemt.
- 03) Isem-a yettuyal i wid i qeblen ddin d tutlayt tamaynut.

03 Amezruy n tmetti taqbaylit :

Tamurt n leqbayel tella tettwazdey yakan deg tallit uqbel amezruy, imi llan azal n 130 n yimukan id skeflen yimazzagen, d inagan yef aya, anda ufan allalen n ublaḍ ney n yideqqi yettuyalen d imelyan n lesnin ar deffir, swayes qeddcen yimezday imezwura, rnu yer-s unnuyen id yeqqimen yef yizra id yettalsen amek tella tudert zik, aṭas n yimediyaten yellan yef aya (Geldaman deg uqbu, Kap sigli deg Ben ksila...atg.

Ula d inmazrayen mmlan-d telqey n umezruy n leqbayel deg waṭas n yiḍrisen deg umedyā, ayen id yenna Hérodote « Imezday imewura n tefriqt n ugafa d ilibiyen » s unamek n yimaziyen ass-a.

Tamurt n leqbayel seg zik nettat deg tṭraḍ yer wayeḍ werjin tedder di laman, bdu-tt deg unekcum n rroman almi d anekcum afransis, maca tamurt n leqbayel dima tettqabal acengu tessufuy-it werjin tekna i ddel, leḥmer tekna i temhersa, aṭas n yingan yellan yef waya bdu-tt seg Masinisa d yugariten, uyal-d ar Dihya d Aksil syin tedduḍ ar Ḥebban d Krim Belqasem.

04 Tuddsa tanmettit :

Tudrin n leqbayel akken ma llant ttemcabint ama deg tuddsa-nsent tanmettit ama deg trakalt, imi tẓemreḍ ad twaliḍ yiwet n taddart ad tfehmed akk tiyaḍ deg waya yenn-d Alain Mahé « Werjin ufiy taddart n leqbayel deg luḍa ».

Tayunt tanmettit tadamsant tagejdant deg temnaḍt n leqbayel d :

4-1 Tawacult tameqqrant (Axxam) :

D tayunt tamezyant akk deg tmetti taqbaylit tamensayt, tejmeɛ-d ddaw n yiwen n sqef atas n tsutwin, ad tafed deg-s arraw n warraw-nsen, ttidiren akk jmiɛ mi ara ad ixas leswseɛ ad as-rnun lebni i uxxam, imi deg-s i ttwalin laman, rnu ad harben yef uzar-nsen.

4-2 Taxerrubt : D agraw n twaculin timeqranin, yeddukklen deg yiwen n wadeg yettaddamen yiwen n yisem (At flan) ney sean yiwen n uzar i deg id fruxen, mi ara ddakklent txerbin-a ad ay-d-fkent :

4-3 Adrum : Dagrau n txerbin yellan assay gar-asent, deg tuget ad tafed yezdi-ten wadeg n umezduy yettuyalen ar yiwen n uzar.

4-4 Taddart : D tayunt tasertant tadeblant , tegrew-d deg-s ugar n yiwen n udrum i yettffen tiyilt, i wakken ad ɛassent iman-nsen yef ucengu.

4-5 Lɛerc : D agraw n tudrin imi fkan isem n umezwaru yettwasnen deg temnaɖt-nni, yur-sen tajmaɛt, anda yal taddart tesɛa inmetel deg-s.

4-6 Taqbilt : D agraw n leerac yezdi yiwen n umezruy, id igerwen yal tamnaɖt, assayen gar-asen ur ugiten ara ala mi ara yili ttraɖ id aten-iɣuzan.

05 Tuddsa tasertant :

Tuddsa tasertant deg tmetti taqbaylit tebna yef yiwen ugraw n yimezday imi ssawalen « Tajmaɛt », yal lɛerc yesɛa tajmaɛt-is maca d tin n taddart id yufraren i yesɛan azal.

5-1 Tajmaɛt : D agraw n yimezday n yiwet n taddart id yettwafernen syur imezday seg wid yesɛan azal d ccan deg taddart.

Tajmaɛt teddes yef ukuz n lesnaf n yemdanen ilmend n twuri n yal yiwen deg-sen :

Lamin : D win yellan yef uqerruy n tejmaɛt, yettili seg yiwet ger twaculin tmeqranin deg taddart, fernen-t-id yef tirmit yesɛa deg tudert d wazal yesɛa deg taddart. D netta id yesawalen ar yinejmuɛen, d netta i iferrun timsal yettɛef amkan n lqaɖi deg taddart deg waya yenna-d E Masqueray « Lamin d ameksa n taddart yetteussu fell-as di yal tamsalt »

Lukil : Yettili ddaw n lamin ney d amɛiwen-is, tawuri-s tagejdant d aselɣu n tedrimt deg taddart ama d tabezzart ney d lextiyat, yetteawan dayen lamin yettili deg umkan-is mi ara yyab ney yuɖen.

Ṭtemman : D inmetlen n yal taxerrubt yellan deg taddart d lamin id aten-yettextiren ilmend n wazal i yellan, i wakken ad mmeslayen s yismawen-nsen wa ad qadren ayen swayes id teffey tejmaet.

Ḷeqqal : D ieggalen ttili deg tejmaet deg tuget ttili mmeqrit di lemer tajmaet tettuyal ar yur-sen dima i tikci n rray, ttcawaren-ten di yal tamsal.

Tawuri n tejmaet akken id yenna A Kinzi « Tawuri n tejmaet d aselhu n taddart s yisudaf i d-xeddmn deg-s ulac win ara yeteddin fell-asen ney ad yekk nnig-sen ».

Tajmaet deg tmetti taqbaylit tamensayt teṣea azal meqqren, yal taddart teṣea tajmaet-is, yesselhaw-itt ayen imi qqaren « Ḷerf » d lqanun swayes tleḥḥu yal yiwet d tilellit yef tiyaḍ, maca deg tallit n yirumiyen atas n tjumaε i ṛzan tuget deg-sent ruḥent.